




Poex: 1246




2530


1869 11. 387











Frid. Zamell

LECTUS GENIALIS

Thomæ Hesli, & Barbaræ Braunæ,
positus

anno red. n. M. DC. XXXVIXII C. Febr.

ELBINGÆ

Typis Bodenhausianis

anno M. DC. XXXVI

Thomæ Hesio Adf. Sp.

CÆtera quò placeant, Patriæ dilectio præstet:
Quà res conjugii est, non ea causa sat est.
Ipse bis urbe Tuâ renovavi fœdera lecti,
HESIADE: Tu nunc ureris urbe meâ.
Omnia vincat amor Patriæ: vincaris amore,
Quo thalamos hilarant Iuno Venusq; Tuos.

Vixistis quondam dulcis mihi cura parentes,
Hisq; sati fratres ardua turba mei.
Agnatis, qui sunt, non est cognatio major.
Absolvunt totum pignora nostra gregem.
Vivat uterq; puer! teneris Tu Sponse Zamelis
Cognata Hesios nomina junge Tuos.

Inter saticta prati
 Florentis iueram:
 Cum vitream strepentis
 Vndam amnis intuens,
 Ipsamq³ prona in amnem
 Salicum cacumina,
 Ad fontium skatebras
 Murmurq³ constitui:
 Veteresq³ Panum amores
 Necum recolligens,
 O quàm beata, dixi.
 Sunt Panes agmina!
 Quàm fausta corda Fauni,
 Quaeis sub virentibus
 Dryadas licet puellas
 Videre quercubus,
 Hac telâ & hoc amictu,
 Quo cincta Achillei
 Mater Thetis sub antro
 Est passa Peleum!
 Hæc conspicata turba est
 Syringa virginem:
 Hæc membra vidit Ius,
 Natamq³ Peneo.
 Quàm sepe molli in herbâ
 Nudam Proserpinam
 Offenderit jacentem
 Satirus protervior;
 Quàm sepe cum Dianâ
 Occurrerint duce
 Per vallium virecta,
 Et montium iuga,

Nymfæ sine retecto
 Panum cohortibus;
 Quoties remoto amictu
 In fonte laverint,
 Satiro latente & uda
 Pascente lumina
 In aureo capillo,
 In fronte conscia
 Pudoris & decoris,
 In Solis æmulâ
 Face utriusq³ ocelli,
 In narium modo,
 Rubentium in genarum
 Recente flosculo,
 In albicante mento,
 In collo eburneo,
 In turgidis papillis,
 In parte pectoris
 Venustius coactâ,
 In parte quam Venus
 Adonidesq³ totam
 Et Gratia occupant:
 Et si quid est sub illâ
 Seu pinguius femur,
 Seu rectiora crura
 Ad prominentiam
 Tali utriusq³ & imi
 Angustiam pedis,
 Omne hoc notante pati
 Satiri protervia;
 Nec qui diem reducit
 Noctemq³ terminat,

Quis ipse vidit ista,
 Phœbus recenseat.
 Cytheræa capta quondam
 Puerorum amoribus
 Summa inter ilicetæ
 Iacuit remissior,
 Aut cum manu suarum
 Vagata virginum est,
 Pallâ fluente in aurâs
 Deprensa Panibus.
 Nereïdas profundo
 Quis nescit egredi
 In littus, atq; somnum
 Sub rupe carpere,
 Quâ marginem propinqua
 Inumbrat arbutus?
 Tuentur has & illas
 Lasciva lumina
 Faunum nemus colentum,
 Panesq; rustici.
 Dic ô bicornæ vulgus,
 Quâ nimfa negligens
 Cultus decentioris
 Cinctusq; sobrii,
 Vt sola secum in umbrâ,
 Aut mista cœtui
 Post tedium laborum
 Aquas petentium,
 Nunc exserens papillâs,
 Nudata nunc sinus,
 Hac parte Naicorum
 Præstare munerum

Sit visa: an hæc an illa?
 Hyalene pulcrior,
 Rhamis aut in his secunda,
 Psecasne tertia,
 Phialene quarta turbæ;
 Aut illa congregum;
 Cui Solium sub æstu,
 Cum longus it dies,
 Dictynna dat pharetram
 Lasata cursibus?
 Cratæis an marina
 Toto venustior
 Comitum choro suarum;
 Neseane, an Thoë,
 Ianasane, an Thalia,
 Pherusane impigra,
 Dotone vorticosa;
 An Mæra fluctuans,
 Eumolpa num sonora,
 Melitene nigricans?
 An vincit has Iena?
 Galatheane hoc decus
 Rapit, an rapit Calypso;
 An Doris amplior?
 Genitamne Sole Circen
 Præfertis omnibus?
 Mutavit hæc amanteis
 Socios Vlysei:
 In fœdus ista misit
 Iugale Nereum;
 Et illa visa forti
 Vlyse fortior.

O forma, suauitasq;
 Coloris integri!
 O luminum vigores,
 Et succida oscula,
 Et quicquid in puellis
 Molle ac tenerrimum!
 Quid non habet beata
 Panum salacitas!
 Hæc proloquentis aures
 Exile perculit
 Suspirium salicti
 Virgulta transiens:
 In assra saxa, in ora
 Canum lacrantia,
 Umbrosa in arboreta,
 Fontesq; limpidos
 Faunis amata Nymfæ
 Sunt versa corpora.
 Senuere Panes ipsi,
 Rigidasq; plurimi
 Induruerè in ornos,
 Frigente sanguine.
 Sunt urbibus puellæ,
 Quas rura nesciunt:
 Et delicata muris
 Se turba continet.
 Queis urbium Penates
 Nymfis superbiant,
 Cui juncta BRAVNIANA est,
 Id nōrit HESIVS.
 Sincere cultor, HESI,
 Turbæ novensilis,

Domus ZAMELIANÆ
 Amica portio,
 Si Te virago pulcra,
 Ut vultus arguit,
 Amplectitur lacertis,
 Et oscula imprimit,
 Vni tibi probâris,
 Nec alteri efferas.
 Te fas amare Nymfæ est,
 Quam ducis, unicè.
 Has prædicare, numquam
 Caruit periculo.
 Hæc una pars sacrati
 Sit dIs silentii,
 Et ara abominando
 Temerata Clodio.
 Hæc Myrtillum peremit
 Lydum loquacitas.
 Potitus est satelles
 Vxore Regiâ.
 At vos beata corda
 Amate mutuū
 Longas per æuitates,
 Ac vestra patrio
 Decore videritis
 Ornata pignera.
 Sic annuant Amores
 Cum matre duplex,
 Deusq; præses ævi,
 Iunoq; pronuba,
 Et Anculæ faventes
 Matrum laboribus.

Visum

Visum est auctori subicere his sequentia ejusdem.
generis metriq; antehac seorsim, at non sine
mendis edita.

Amores
Eucharisti & Xanthiæ.

Diona mater alma
Nudi Cupidinis.
Quæ patris una ponis
Trisulca fulmina;
Quæ flectis una Ponti
Secunda Numina;
Mentemq; Ditis uris
Amoris ignibus:
Quos luminum ille fulgor
Lascivientium
Nati poposcit ictus,
Quorumve vulnera?
Stridente tela nervo
Emissa personant,
Casuq; non inani
Inane pervolant,
Fatoq; pectus imum
Librante perforant
Virirecentis ævi,
Blandaq; virginis.
Est læsus EVCHARISTVS,
Est læsa XANTHIA.
Quis dixit hoc Diona,
Cum tot viragines
Recenseat patrimas,
Orbasq; patribus

Virtute, dote claras
Formosa Drusias;
Hæc posse bina corda
Coire rectius
Tadâq; nuptiali,
Et igne mutuo?
Ætatulæ vigore
Vterq; succido,
Et corporis decore
Vterq; florido,
Dulciq; uterq; more,
Cultuq; amabili,
Nataliumq; honore,
Par alter alteri,
Letatur EVCHARISTVS
Amore XANTHIÆ,
Illamq; basiorum
Humeſcat imbribus.
Letatur EVCHARISTI
Amore XANTHIA,
Illiq; basiorum
Concertat imbribus:
Queis nectar atq; mella
Cedant Hymettia,
Gangericæq; canna
Medulla dapsilis;

Quos

Quos usq; provocando
Ab ore XANTHIÆ,
Seq; usq; proluendo
Dum mille nimbis
Madescit EŸCHARISTVS,
Non Regna Achæmenis
Mensasq; Satraparum
Centusq; præstinet.
Quàm dulcis illa lucta,
Quâ palma quæritur
Non invidente vultu,
Nec hostis alter est:
Quâ summa præmiorum,
Et laurus ultima
Victoris atq; victi
Perennis ardor est!
Sic simplices columbæ
Iunctiq; turtures
Amant & osculantur,
Et suave-murmurant.
Sic fama quem sepulcri
Fidesq; conjugis
Omni sacravit ævo
Amasse creditur
Car teste sumtuoso
Amatus unicè.
Sic Thracium Poëtam,
Cum pleëtra poneret
Amplexa dulcis uxor
Rigavit oculis.
O error absuisset
Furorq; noxius!

Tithonius dedisset
Non plura Pyramus:
Thisbe suo dedisset
Non plura Pyramo,
Et pauciora Phyllis
Thrëïssa reddidit:
Et hospes antè Græcus
Non plura fixerat:
Nec plura post tulisset,
Si navis Attica
Maturius subisset
Portus amasiæ.
Non scæviora Cypris
Pepigisse creditur
Carissimo puello,
Non ille Cypridi.
Quamvis parente digna
Catone Marcia,
Cum patrios Penates
Brutus relinqueret,
Sed tristis hac marito
Ingescit oscula.
Vobis sit iste lusus,
Et hæc amatio:
His ducite usq; Soles,
Noctisq; tempora.
Vertamur ad Lyæi
Succos meraceos,
Votisq; depleamus
Congratulantibus,
Multisq; transigamus
Hæc festa plausibus.

Iam

Iam Sol Ibera fesus
 Lustravit aquora,
 Et luce pleniori
 Exurgit Hesperus.
 Thoros inite latos
 Amica pectora,
 Dumq; illa mellisugis
 Linguis repositis
 Paullum remissa bella,
 Quod est tenerrimum,
 Et ipsa dat voluptas
 Inite prælum.

Cum Zynthii sorore
 Favente Cinxiâ
 Amor cubile cingat
 Et grex Adonidum,
 Triumq; Gratiarum
 Sincera copula.
 Si sunt, quibus deorum
 Favet benignitas;
 Si sacra Numen ullum
 Curat jugalia;
 Florebit EVCHARISTVS,
 Et cara XANTHIA.

Pelias fracta.

Memorare mi Camœne
 Heliconis incola,
 Nam vos tenetis ævi
 Prioris omnia:
 Hastamne movit alter
 Pelidæ Achillei?
 Aut quâ manu virili
 Est fracta Pelias?
 An illa, quæ tot Orbi
 Heroas edidit,
 Priami domus vetusto
 Superba Dardano,
 Trojana cum juvenis
 Bellum capesseret,
 Excusit hanc bipennem
 Thetidos propagini?
 Commune sit sepulcrum
 Europæ Ilium,

Asiæq; prolem alentis
 In ista funera,
 Prostraveritq; pastor
 Idæus Æaco
 Satum improbis sagittis,
 Quas Phœbus impulit;
 Non Troii sagittis
 Tamen est adulteri,
 Nec Hectoris lacertis
 Eversa Pelias.
 Respexeris Achillem,
 Et munus entheum;
 His viribus minorem
 Mecum negaveris,
 Hanc ipse, qui gerebat
 Timendus Ilio,
 Briseidos removit
 Incensus ignibus;

Deiecit

Dejecit hanc bipennem
Amor Polyxena.
O Cypri, quis deorum
Te maximam neget?
Centum Tibi Sabæis
Fumant odoribus
Ara Paphum per altam:
Queis corda Regia

Sua thura & ipse gaudet
Adolere Iupiter.
Genus fatetur omne
Tuam potentiam.
Quoties Tibi calentes
Convertor ad focos;
Spolia inter ampla Regum
Est fracta Pelias.

Lusus amatorii.

I.

TRita quidem & simplex est prima figura modusq;
Primus in hac: at plus Barbara lucis habet.
Mitte modos alios, alias ne tange figuras.
Nam potes hoc, Thoma, cuncta probare modo.
Nubere Celarent negat argumenta volenti.
Fac norit dubium cara puella Tuum.
Hac solvat. Ferio fuge durum & triste Ferison.
Concludes famulis hac ratione pigris.
Festino stolidum est. Nihil est in Cæsare pro Te.
Affirmativam destruit ille Tuam,
Quo Tibi se primum Venus aurea præbuit æquam,
Cultorem illius Te jubet esse modi.

II.

Insurgat (Thoma) Sorbona, Academia, Pyrrho:
Thomistæq; rogent omnes, quei Barbara possit
Cunctorum esse instar soli Tibi sola modorum?
Et dicant, Quod non: dicet Tua Barbara, Quod sic.

III.

VAcare si horam & horulam alteram posset,
Mecumne ruere ab urbe in herbidos colles,
Aut limpidis quâ internitent aquis gemmæ,
Quales dat alma Drusis, amnium ad ripas

Ipsū lubido incesferet, roganti mī
Thomam Hesium meum hospitē & cor adfue-
Superesse tantillum sibi otii semper
Negavit: & calamum tenebat aut libros.
Amare postquam cœpit, atq; habet, ritē
Quod amet; diem pectusculo adsidet caro
Integrū, & hoc amplectitur procul libris,
Succogit sepiæ. Vacare qui nescit
Ab Apolline & Musis, amoribus totum
Se dedat & Veneri: vacatio si qua est,
Præbere se Cupidini improbo prædam,
Vigilemq; noctes & dies pati flammam.

IV.

Hic vinuli mos est Cupidinis, Thomam.
Satiatus obuiis in hospitum migrat
Frontem, genas, oculos; in intimā exinde
Ossa & medullas, atq; pectorum claustra.
Caræ puellæ credo Te patrem numquam
Vidisse: nec Te vidit illē, forsā nec
Audiuit, an sis aliquid accolæ gentis;
An Seras inter ultimos rudi Solem
Sub culmine evites. At illius prolem
Quæsi veris, si nōrit Hesium Thomam!
Mirabitur, tamquam roges, suumne cor
Sensusq; nōrit intimos: & ut meipsam ac
Animum meum, inquiet: & merum osculum in pignus
Tibi ingeret. Rogabit inde, si quidquam
De Braunianā Barbarā scias. De Te
Quod scire possis, illud adstrues scire
De Braunianā, quam velut Tuum pectus
Habeas & ardeas. Locutus hæc pignus
Addes meraceum osculum. Sit hoc nosse
Et pignerare ad ultimum halitum vobis.

V.

U Rere, mitte Tuos in amicæ colla lacertos;
 Oscula da centum: nec satis esse puta.
 Darursus centum: dein basia posce ducenta.
 Vtere consilio, dulcis amice, meo.
 Hoc Tibi, non tetrico deformibus ore Sophistis,
 Nec puerorum animis, Grammaticisq; damus,

VI.

R Umpe moras, Hesi, decimum maturus in annum.
 Rumpe moras, anni cui periere decem.
 Nunc Tu Romam habites sub Consule; nescio si non
 Imperet uxor I grande numisma Cato.
 An Pandionæ dicam spectacula turbæ,
 Cum subit infamem tarda iuventa notam?
 Hoc audis, pulchrâ mentem simul indole mutas,
 Accenditq; Tuas optima Iuno faces.
 Hoc est, Brauniolæ quoddam diva Amathuntia malas
 Sub niveo inferfit lacte rubente rosâ;
 Ut scires, quàm non tantâ sine vindice pecces,
 Cujus in Hippolytum verior ira fuit.
 Nam Tecum in pœnam descendat sana iuventus:
 Et quisquam plecti vel levioze roget?
 Naturæ pares: socios hæc exigit ignes,
 Inq; olim pueris nomina patris amat.
 Fac studio pensas annorum damna priorum.
 Iste Tibi succus sufficit, iste calor.

VII.

S Ecula Te memorant, Cytheræa, deamq; fatentur:
 Et puer in superis creditur esse Tuus.
 Illius arbitrio caluit Rex ipse deorum:
 Arsit & in mediis Ennosigæus aquis.
 Venit ad infestos domitor quoq; pusio manes,
 Et stygium docuit callida furta patrem.

Cum

Cum Tibi de victis ea constet gloria divi;
Debuerat sceptris Iupiter esse minor.
Quæ cælum & terram & pontum & Styga Nūmine complexa
Nostro aliquem in versu, diva, tuere locum.

VIII.

Virg. **L**umina cum vobis sint tam lasciva, Poëta;
Carmina cur nos hæc vestra decere negant?
Poët. Adspiciunt vestros Vatum quod lumina vultus,
Hoc sibi cum Phæbo patre licere putant.
Ne properè peccent; sit frons demissa puellis.
Humanum visu perdidit una genus.

IX.

Bis septem exactis virgo jam nubilis annis
Implebat lacrimis matre vidente sinum.
Sæpe dies totos faciem noctesque rigabat,
Multaque non ficti signa doloris erant.
Cui mater: Quæ causa Tui, carissima, luctus?
Ede mihi; nocuus sit procul ille pudor.
Nam si Te Veneris forsân subire calores;
Ecce senex viduus, cætera dives homo.
Cæpit ad hæc virgo majores promere questus:
Hem mater! nondum me Venus, inquit, habet.
Luna ter ex illo nascentem impleverat orbem,
Cum teneræ venit pubis amica cohors.
Subridens virgo, mater cum prima rogasset,
Hos, ait, optavi mater habere procos.

X.

Vidi ego formosam jam Sole cadente Neeram,
Cum patrii staret liminis ante fores,
Nos inter medium pueris obeuntibus ignem,
Flagrabat mediâ qui regione via.
Non ita, dicebam, spectet secura Neera,
Excitet hos ignes si puer unus Amor.

XI.

I Nutiles chartas amantium pari
 Poëta nuper aridus dicaverat.
 Legi, Quirine. Vtrumq; turturum vicem
 Amare nauseæ probabat omnium.
 Hic orsus exitusq; crudi carminis.
 O corda procul his Orgiis! Nemone erat,
 Qui seculi opprobrium typis averteret?

XII.

Amat. **A** Nna quid hei perimis miserum crudelis amantem?
 Quid Tibi profuerit funeris urna mei?
 Sæpe insomnis abit nox, sæpe insomnia terrent:
 Sæpe trahit longam mœsta querella diem;
 Dum ceu serpentum spiras mea brachia vitas,
 Et veluti morsus oscula nostrâ fugis.
Pucl. Hoc Glaphyræ debes, nostros quæ solvit amores.
 Hac ridente, Tibi sors mea vilis erat.
 Sed Tibi neglectæ pectus crudele puellæ est,
 Desertamq; potes sollicitare fidem.
Amat. Me servas, si Te conceptæ pœnitet iræ:
 Sive luam; vitæ parce, puella, meæ.
Pucl. Si me ardes unam, Glaphyræ nec amore calesces;
 Victa volet precibus læsa redire Venus.

XIII.

Q Vis hic, Cupidini pedes qui vinculis
 Hac in tabellâ primus induit? Nihil
 Prorsus agitis, qui fingitis qui pingitis.
 Lacertulos, manusq; lævam & dexteram
 Si stringeretis fortiter, si frangere
 Possētis arcum & quas gerit sagittulas;
 Hoc esset induisse Amorem in vincula.

XIV.

Ad cenam nuper me Gisco vocarat amicus.
 In mensâ juvenum copia major erat.

Ma-

Matrem infra accubuit vernanti proxima turbæ
Filia: cui juvenis: Fare, puella, mihi;
Quem, Tua si posset unius vota valere,
Mitteret in thalamos nostra corona Tuos?
Reddidit hæc: omnes estis florentibus annis,
At probitas vobis est malè tuta viris.
At qualem Tu nata voles, dixere parentes,
Si dignè obsequeris, vir Tibi talis erit.

XV.

Primulam Tibi veris inter horti
Inventam thalamos adhuc gelantes,
Prima ut acciperes, Neæra, mitto.
Hi sunt, cara Neæra, nostri amores.
Si meum Boreas latus perurat,
Atq; altâ nive porrigar sepultus;
Tui vivet amor meis medullis,
Eq; altâ nive se exeret sub auras.

XVI.

Nata quid hoc, mæste cari dixere parentes,
Pallida quòd facies ægrâq; tota Tua est?
Quid tam sollicita es, quid spes Tibi nostra negatur,
Ut Tua sit nostrâ conditione minor?
Nam quid, si velles, Tibi non concessimus ultro?
Hactenus amplexus, reddidit illa, viri.

XVII.

Nam quis (viden Neæra?) fontium addidit
Siphonibus matrem improbi Cupidinis,
Ipsumq; nudos ambo, & ore frigidam
Mei ministrantes Petroni rusculo?
Gelidis & illa & ille limfis abstinent,
Dirumq; mentes ustulant amantium.
Marine & undis cum Venus sit edita,
Docere voluit hoc deam Petronius?

XVIII. Vesta-

XVIII.

Vestali Paphius quàm longè disidet ignis!
Pallet, qui flagrat hoc: efficit ille nigros.

XIX.

Immensos Tegii Pyrrhæq; canamus amores.
Dixerat huic Tegius: Bos Iovis instar ero.
Ut rapiar Tecum, quodcumq; intraveris æquor,
Dilecto incumbam (subjicit illa) bovi.
Vxori genitor, cui res est prodita, dixit:
Nubat, ne pereat filia nostra mari.

XX.

OH nescis, Staphyle, quantis miser ignibus urar:
Nec lacrimas nosti sæva puella meas.
Nescis, quanta Tuo sit in hoc injuria factò,
Quæ vitam hanc, at cui? qui Te amat unam, adimis.
Nescisses nostrum forsan, premeremq; dolorem;
Posses in fatis lætior esse meis.

XXI.

Mitto Tibi, Staphyle, raræ dulcedinis uram.
Talis Tute mihi es; dulcior at Staphyle.

XXII.

Quid fingis, quid pingis, anus, quæ meus Tibi, & ultri
Quid stolidas? norunt Te juvenes: anus es.

XXIII.

Illa, quibus nulla dederint majora puella,
Esse mei juris, cara Neæra, facis.
Vtar jure meo nunc mitis in oscula nunc trux,
Cum data seu sumam basia, seu rapiam.
Et mera vibrantis linguae sugam omnia, & omnem
Succum, ipsamq; animam è faucibus eliciam.
Tumq; animo repetens, quid sepe negaverit illa,
Infligam memorem dente tenace notam.

Verum his nequitiis non sic satiatus abibo:

Inde Tibi mecum pugna sed acris erit.

Mille dabo & totidem: totidem totidemq; rependes

Oscula: cum dederis, altera mille dabo.

Verum ego basioli non his satiatus abibo;

Certamen mecum sed Tibi majus erit.

Sæpe Neæra vetas illud me dicere, quid sit.

Dicere sed prohibes, non prohibes facere.

XXIV.

E*sse putas aliquid, nec laus Te iudice parva est,*

Anthale, quodd numerat Gellia mille procos;

Quodd placuisse Tuos unius dicit amores,

Et Te prælatum mille fuisse procis.

At mea simplicior, rectiq; Neæra pudoris.

Nil numerat. Nam Tu (sic ait) unus eras.

XXV.

S*atis illum Avenium superq; risimus:*

Qui se Ethicum professus hoc in virginis

Posuerat aure, nec assidens vel osculum

Impresserat, vel molle junxerat latus:

Sed nec manu aut lacerto. Et incusat deos?

Si ames, locusq; sit, hæc obire negligas!

XXVI.

D*ixit amans juvenis: saltem hoc, Cornelia, reddas,*

Saltem hoc, si non vis addere plura: AMO TE.

At virgo: ne Te his solum dimisero verbis,


Amplius hoc dicam, Faustule: NON AMO TE.


Ad Lectorem.


S*i releges lector, quæ videris edita pridem,*


Deme fidem primis: hæc ego nostra puto.


















Biblioteka Jagiellońska

sldr0019523

